

Fida Nyamesemka: Obrefew 22, 2013.
(Friday sermon – 22nd November, 2013 – Fante Translation)

GYEDZI, ASORYE (SALAT) NA PINTSINNYE

Anohoba Mesia(ANN) no, aber biara akasae faa botae a onam do ma abae ho wo no mbuukuu mu, n'akyerew na ne kasae mu. Hen a yeagyeto mu de yeaye Anohoba Mesia no ne Baia'at no, owo de aber biara yedze ne botae no ye edwuma ama yeakeka hon a wodzi ahyedze no a okyere de yeaye no kuw no mba ho.

Nde Hazrat khalifatul Masih dze botae a yeabo dzin wo sor ho yi kumaabi too gua, Anohoba Mesia no kaa de Nyankopon yii no de ombra mber yi mbekeyan gyedzi na Odze no aba so de nkorofu hon gyedzi mu ahoorden no ador. Ama woonya gyedzi de Nyankopon woho na gyedzi so de Otsie mpaabo, Oma akotua wo ndzepa ho na Odzi mponse ba bonye ho. Anohoba Mesia no kaa bio de se gyedzi annyee nwananwansa a nyimpa nnkotum aaye papa pi. Susuampaara a gyedzi reye mberew no nna mbre nyimpa rokodo ye bon a. Nyankopon N'akomhyefo ba bekenyan gyedzi a osi pi na nokwar nye de iyi nye botae nwanwaso a onam do ma Anohoba Mesia (ANN) no bae na asem a owo sor ho yi ye ne nsemtsia a Huzoor etwa no tsia dze ato gua. Yebeye den yeeyi dem mberewye yi efi ho na yebeye den ma gyedzi eedzi mu. Nokwar nye de Anohoba Mesia dze too gua de yennkenyi iyi onam de yeaye Bai'at keke, ohia sumsum mu mbodzenbo ana yeena na Nyankopon aka so de: Na ofa no hon a wobu mbodzen wo Hen kwan do no- Ampaara yebotwitwa agye hon a woye papa no ho. (229:70) De ebeye Baia'at no nkyere de nsakyer beba, gyede onyia no bo noho mbodzen sakyere ne tsebea mu, sakyere n'akoma na oyer noho wo iyi ho de mbre oreye Jihad.

Anohoba Mesia (ANN) kaa de: Adze biara a owo wiadze yi to nobo ase tu mpon, demara so na sunsum mu mpontu tse. Biribiara nnyi ho a obedzi mu gyede mbodzembu na dem mbodzembu wode oye Nyankopon nkotsee dze. Onnyi de obi ye sunsum ho ndzeyee a mfaso nnyi ho, demara so na mbodzembu hun tse. Iyi nye edwuma son a wodze ahye me nsa de mendzi ama m'akyerere mbre wiadzamba besi edu bea a Allah Osorsornyi no wo. Ebenadze na Anohoba Mesia (ANN) dze kyere hen na n'enyidado ndzamba nye den? Odze nyedzewa na ndzeyetsen too ho a wodze som Nyankopon a no wura, Nkomhyenyi Krankron (NNN) dze boboo adze na otuu hen fo de yenye. Iyinom nye ndzeyee a Nkomhyenyi Krankron ne Nsefo so bo mbodzen wo ho dze nyaa Nyankopon N'enyimpa, eso wonyaa Nyankopon N'adom soronko a wiadze dzii hon ekyir.

Orekyere nyimpaban a ose de yeaye no, Anohoba Mesia (ANN) no kaa de: Mennkere de woka nsemfua kumaabi de mbre anoma ekoo ye no, ber a woreye Bai'at no. Biribiara nnyi iyi mu. Hom nnya nyimdzee a otsew nyimpadua ho osiande iyi nye ehiadze no. Hen dwumason no botae nye de yebenya nsakyer nwananwansa wo hom mu na hom beye nyimpa soronko koraa. Ohia de ancorankor biara betse dem esumasem yi ase na odze nsesa aba ama oetum aka de meye nyimpa soronko. Ber a yedze nsesa reba hen mu yi, se yeaye henho soronko emmfi wiadze nkaa no ho a, ono dza Anohoba Mesia (ANN) no ka nye de nna yerennhye hen bai'at no ma. Okaa de: "Dem ohobrasefo yi wodze no aba de odze nsempa yi rebra adasamba dem mber yi mu

Nsorbansorba nyinara, nokwar som a onam Otumfo Nyankopon ne pe do nye dza Kuran Krankron dze aba no. Na abow kwan no a wodua mu ko nkwaye asoe nye "Obiara nnyi ho a ofata de yensom no gyede Allah na Muhammad nye No Somafo" Hen botae na tsirmupow pokyee nye yebekyere Nkomhyenyi Krankron (NNN) no tumdzi na yedze ne keseye betsim. De yebobo ne dzin keke wo akwan nyinara mu; hen ntonton gyina Nkomhyenyi Krankron (NNN) do.

Na yeaye Bai'at dze ahye dem botae yi ma na de mbre yebotum aye iyi no, yehia Koran mu nkyerekyere ama de yedzi ekyir ara dze yebotum dze apetse wiadze osiande wiadze no nkwaye so gyina:

Obiara nnyi hɔ a ɔfata de yesom no kwetsir Allah na Muhammad ye No Somafo. Ohia de yɛka kyere wiadze de obenya nkwaɣye wɔ ber a yɛdze henho ahye “Obiara nnyi hɔ a ɔfata de yesom no kwetsir Allah na Muhammad ye no Somafo. Anohoba Mesia no kasae faa botae a ɔnam do nna ɔbae noho. Allah ne pɛ wɔ dem mber yi de ɔnam Islam yi ntsi na ɔdze ne bae wɔ kwan no a edzikanfo nam do bae no. Ɔfa ne dwumazdi ho no, ɔkaa de ɔdze me aba ama menam kasankyeremu na ndaenyi do kyere Islam ne tumdze wɔ amanaman na som nyinara do.

Ɔfa no ne mbaa ho no, ɔkaa bio de: Mepɛ de mema wɔdze gyedzi hye Otumfo Nyankopɔn mu. Nyia ɔgye Otumfo Nyankopɔn dzi no, woeyi no efi bɔn wenwen mu ma nsakyer aba ne nyimpa dua mu. Onyia no wɔma no nkwa fofor ber a nna oenya suahu wɔ owu bi ho na mbrɛ onya enyigye wɔ bɔn ho no, n’akoma ko tsia no. Nyia onya dem gɣinabew yi botum aka de woehu Nyankopɔn. Nyankopɔn nyim papaapa de de ber yi mu gɣinabew nye de Nyankopɔn ho ntseasee anaa nyimdzee nnyi hɔ. Som biara nnyi hɔ a obotum dze nyimpa akɔ dem mpenpendo yi na ɔdze dem su yi ahye no mu. Yerunntum nnu hen ho wɔ som pɔkyee biara ho; dem bɔn yi a ɔye ɔdodow yarba yi retrɛ ma ɔye hu. Meka no nokwar de se egye Nyankopɔn dzi a, nyimpa dan ye sor abɔfo, ampaara de sor bɔ hɔn mu adze ma no na ɔbeyɛ ɔtseasefo a kan sunsum ahye no ma. Se yetwa no tsia a, se Nyankopɔn ho ntseasee nnyi hɔ na adzeseɛ agye ntaa na etsiɔdzen ahorow rikyin a Nyankopɔn ho suro hira na wɔdze Nyankopɔn ho eyiedzi ma nyimpa; dem gɣinabew yi Nyankopɔn dze Ne nyimdzee ho kan ma nyimpa na Ɔhye no dzen wɔ edwuma bi ho. Onyia wo wɔdom no na wɔhye no amen na wɔma odzi awerehow wɔ kwan biara mu. Ewie koraa no nyia Nyankopɔn dze edwumason ahye ne nsa no, dzi kunyim na ɔtow nokwar kan no petse wɔ wiadze. Demara so na Nyankopɔn frɛɛ me wɔ mber yi mu na ɔdze Ne nyimdzee kan no maa me.

Anohoba Mesia (NNN) no ɔkaa de: Wɔahye me de me mma ɔbrapa nnda edzi eso me nkyerekyerɛ asetsenapa mu ahɔɔden. Mber bi wobisaa dza ɔgye to no do no, ne nsunsuando a ɔkaa de: Mberɛwye a abɛda nyimpa na Otumfo Nyankopɔn ntamu no, ɔbɔto mu dzen; dza ama wiadze ho dɔ abor biribiara do eso ɔabra ahotsewee adze, na oekenyan nkitahodzi a ɔda nyimpa n’etuhoakye na Nyamesɛm ntamu. Ɔdze ahotsewee a ayew dada ɔnye wiadze ho dɔ a aye win no besan aba. Ɔkaa de, dem nsem yi nam no do bɛba mu.

Ampaara de ɔye botae kese eso ɔye adze kese a ɔagye ato no do. Yehu no wɔ mber yi ndzɛmba ndzɛmba wiadze mbrɛ obiara dze noho akyere wiadze ho, no werɛ efir Ɔbɔadze Nyankopɔn no. Hɔn a wɔda Nyankopɔn edzi wɔ petee mu no ye dem wɔ siantsir bi ntsi. Wɔnngye Nyankopɔn nndzi de Ɔye tseasefor eso wonnyi adzehu anaa adwen mu som. Wɔdze wiadze na n’afɛfɛwdze na ne gɣinabew wɔ beebiara. Nokwar nye yi, ɔye akɛm kese a eka ma woho wɔ ndzɛmba a ɔrokɔdo yi mbom dem na ɔye Nyankopɔn ne gyedzi na Anohoba Mesia (NN) no so wɔ awerehyemu wɔ ne nsem mu.

Mbom iynom nyinara twe hen adwen gyina de yɛkenkanee na yetsee ansaana yerebɛhen Jama’at yi mu a, anaade hen nananom gyee Ahmadiyya too mu ma yenyaa hɔn papaye ho akatua, dem ntsi dem botae yi rohwehwe de yɛbeyɛ no hen bra ne fa bi. Hen so ɔwɔ de yeye aboafɔ ama dem dwumadzi yi aakɔ do. Ye tsee Dawurbɔfo na yɛgyee dzii, afei ɔwɔ de yede no edzi de “...Yeye Allah N’aboafɔ...” na yensi no pi de yebɔbɔ mbɔdzen ahye dem botae no ma. Ɔwɔ de yesusu ho, yesanka ye nhyehyɛɛ na yehwehwe mboa fi Nyankopɔn nkyen nya kunyimdzi. Se yeandwen iyi ho wɔ ber a yeagyɛ Anohoba Mesia (ANN) ato mu a nna yerennyɛ Bai’at n’ahyɛdze na iyi bema yeeyi ano.

Se yehwe hen sika sem a, wɔmma yadwen ho de ana yebotum aye na yɛbeyɛ den, wiadze yi mu ɔha nkyemu fa (50%) ennyi nngyee Nyamesom ho, nkorɔfo a wɔwɔ aman a woetu mpon no wɔ egyapadze na akadze a ɔtwe hɔn fi Nyankopɔn ho. Wɔka de wonnyi mber a wɔdze bɔhwehwe Nyankopɔn. Ndeda ara na Huzoor ne nsa kaa krataa bi fii Japan Ahmadiyyanyi bi n’nkyen a wɔatwerɛw de ɔka kyere nyenko bi de ɔmbɔ mpae nsɛ Nyankopɔn mbisa no kwankyere, oyii no ano de onnyi ber a wɔdze hwehwe kwankyere fir Ahmadiyyafo hɔn Nyankopɔn hɔ anaaso de ɔdze bɔhwehwe Nyankopɔn, iyi nye gɣinabew a aman a woetu mpon no wɔ mu na hɔn asodzi amana wonntu mpon no enyim wɔ hɔn ehiadze ho, dem ntsi, se wiadze yi mu dodow nnye krado de woretzie Nyankopɔn No nsem na wiadze yi mu egyapadze na ahonya retwe hɔn fir Nyamesom ho wɔ aber a hen sika sem yɛbeyɛ den egypta dem ɔhaw yi ano.

Enyiwa do no, ɔye dzen papaapa naaso Anohoba Mesia (ANN) no kaa de iyi ara ntsi na Nyankopon somaa no, dem ntsi ɔremmpa abaw de wiadze apow no, osiande mbre obeye biara no ne botae no rehye ma, hen so reka de ampaara yeye Nyankopon aboafɔ wo dem asem yi ho no, yebo ko do ara aye Nyankopon No aboafɔ. Yeremmpa abaw ara da, de wiadze apow hen, osiande yeronnosom hen kuw yi wo wiadze botae bi ntsi mbom Nyankopon No mboa na N'adom hye hen nkuran wo kyepen biara do wo hen anamontu mu.

Se yehwe no wo wiadze yi afa mu na yedze hen enyi to hen sikasem do a obeye de okwaseabi n'ahotuw, se yehwe no wo wiadze afa mu a ɔye edwumason wo ɔman kor mpo mu, mfatoho bi nye Russiaman, Chinaman, na afei Ngyiresi na Amereka aborokyrman mu, anaa aborokyrman nkae no anaaso Ebibiman mu a, ɔye a yebohu akwanbew ahorow pii noara, obobo hen hu ma yeremntu anamon nnko hen enyim. Dem gyanbew yi na wiadze yi mu apɔpɔmpɛ enndzi ammbɔa hen wo mber kakra a abesen ko, naaso mber yi mu ara no Nyankopon Ne nsano edwuma ara ntsi hen botae no rehye ma na oboko do ara ahye ma. Mber bi abesen ko a, Communist amanbu ntsi nna yenntum nnka Nyamesem wo Russia na ne nkurow nkurow mu naaso seisei Russia aman no enya hon fawohodzi na woeyi hon efi Nyamesom ho.

Wiadze yi mu ahonya efura hon enyi, dem ara na Muslimfo amanaman a nna wowo Soriet Union amanaman nkabomu kuw nu mu no, Muslimfo asofo mpanyimfo nye Mufti (atsenbuafɔ) dze suro bi ahye aban no do ara a ma aye akwanbew ama Ahmadiyyafo a wobo Islam nokwar som ho dawur no wo akwan horow pii do. Wotsetsee Ahmadiyyafo dze mbra pii akyekyere hon. Wiadze Atoe afa mu no, amanaman binom afa ehusem a ɔnam do ma Nyankopon dze sese aman binom. Atoe amanaman yi binom ahyeye mbra a obɔ dem ehuhudze yinom ho ban ma nyimpa nnyi pe wo Nyamesom ho koraa. Seisiera Chinaman reye wiadze yi mu man a woonya sika ahodzen na ɔrutu enguan wo wiadze egyapadze mu.

Japan so ye ɔman a etu mpon yie, hon mpontu no da edzi wo mfiir dwuma mu. Oman no ne fa kese adɔ esuko wo wiadze egyapadze mu, na de mbre m'edzi kan aka no wonnyi ber a wodze som Nyankopon iyi nye Japanfo hon adwen nye de yennyi ber mma Nyankopon.

Japanfo ye nkorɔfo a wowo suban pa naaso wiadze yi mu afefewdze atwe hon efiir Nyamesom ho. Amapaara de Japanfo no taa ka de hon som nye Shinto som naaso ɔye hu de Shito som no nye Kristo som na Bhudasom no edzi afrafra. De mbre ɔtse biara asɔr nya nsunsuado wo nyimpa do. Wo Atoe amanaman pii mu no, hon were efiir Nyankopon ara ma wodzi Nyankopon ho few na Nyamesom aye asodzi ama hon, dem ntsi obiara nnko asordan mu. Na woka do wɔrobɔ honho mbɔdzen naaso wogudo ara rotontɔn hon asordan. Hen sikasem se yedze toto wiadze sikasem ho a yenndu hwee koraa, iyinon nyinara ye nsem a ɔgye adwen na ohia de yebɔdwen so. Na wo dem tsebea yi mu no yebeye den dze hen botae ako nkan? Naaso Nyankopon No a ɔsoma Nkonhyenyi Kronkrɔn (NNN) maa wiadze fenandze nyinara na ɔsoma n'esuafɔ nokwarfo wo wiadze yi mu de ɔmfa nsem no petse ama nyimpa eehu Nyankopon No kwan tsenenee no. Ana yebotum aye dem edwuma yi anaa? Wokyerew de "O! Nkorɔfo a hom agye edzi hom mfa abotar na mpaabo nhwehwe Nyankopon No mboa. Ampaara de Allah nye nkorɔfo a wogyina pintsiiin wo ho. (2:154). Nyankopon ne mboa yiye akwanbew nyinara ɔye Otumfo na ɔwo tum de ɔma dza ɔye dzen ye mberew, ɔsoma Akomhyefo ma aber nyinara kepem atsembuada na ɔmaa Nyamesom mbra sii pi de ɔdze Kur'an Kronkrɔn mu nsem dwirii.

ɔsoma Anohoba Mesia (ANN) no de ɔmbekenyan Islamsom no wo hen aber yi do. Nyankopon na woaka dem ntsi se kansa tsebea no akwanbew wo mu den ara mpo a, ɔwo de yebo mpaawo abotar mu, hom mfa mpaabo mbisa Nyankopon No mboa wo nokwar mu na hom dwumadzi beye few. ɔye Nyankopon N'ara N'anohoba de Islamsom bedzi kunyim na ɔye hen asodzi de yedze abotar bobo mpaawo.

Arabic Sobr, wo asekyere pii, Sobr kyere de edze abotar bobo mpaawo. Anohoba Mesia (ANN) no kaa de ɔwo de yeko asordan mu ber nyinara mbom onnyi de yeko no ber bi ber bi. Yebohu sor nsenkyeredze se yeye abotar mpaabo ho edwuma de mbre ɔfata a na yedze henho bo afɔr ma Nyankopon na se yedzi Nyankopon No Korye do de mbre ɔse a nna yebedzi Nyankopon ne tum ho. Ampara de hon a wogyina pintsiiin wo ho, ɔno Nynakopon Noara beba abo boa hon wo No tum nyinara mu na yebohu N'enyimnyam ho nsenkyeredze. ɔbedan adasamba hon akoma na woehyira hon ndwuma do na wɔama adasamba ehu Nkomhyenyi n'adze ban, na wobo honho mbɔdzen de Nyankopon No Korye no betsim.

Arabic kasapɔw Sabr no wɔ nkyereasee pii, bi nye de begyina pintsinn etsia bɔnye na nnkeye bɔn, ɔye asodzi kese ma agyedzifo tsitsir Ahmadiyyafo de wɔbehye hɔnho do wɔ edzifuu dzi ba hɔn a wɔaye ndwuma pa na weetsintsim tseneneedo na ɔnnkɔbɔ n'enyi egu nsem yi do na wɔaye Jihad etsia ɔno ara ne pɛ. Sabr n'asekyere kor so nye de bebɛ wo ho adze ama Nyankopɔn na edze wo nsem nyinara ahye Nyankopɔn ne nsa na ato akɔ ne nkyen wɔ wo haw nyinara mu. Sɛ yeye dem a ɔno Nyankopɔn No mboa bebɛa hen do na yebɛnya sunsum mu mpontu. Gyedzinyi ne sika pɔɔn kor anaa dɔla kor anaa mpo rupee kor no bɔsom bo akyen wiadzinyi ne dze ɔpepe na iyi beye wiadze yi nwanwa pii. Sabr nye asɔrye na wɔnantsew, asɔrye dze ohia papaapa. Salat n'asekyere nye asɔrye, gyedzinyi nam n'asɔrye do hwehwe Nyankopɔn ne mboa. Yebotum enya sabr ne nsunsuando sɛ yedzee nokwar nye adwenpa ye asɔr a. Salaat n'asekyere kor so nye de rohwehwe Nyankopɔn n'ehumbɔbɔr na adwen asɔrye ho na enya tsema ama adasamba de mbɛ ɔbeyɛ ma enya Nyankopɔn No mboa.

De besere mpaebɔ ama Nkɔmhyenyi (Duroo) na yedze ahwehwe Nyankopɔn ne nkyen mboa. Sɛ obi ne Sabr 'abotar' na ne Salaat 'asɔrye' dzi mu dem a na ne nsa beka Nyankopɔn N'adom na ndzɛmba nyinara bɔtɔtɔ n'akwan mu na Nyankopɔn ebuehue apon ahorow pii ama wo. Iyi nye adze a ɔwɔ de gyedzinyi nokwarfo biara ye ɔnye de ɔbɔbɔ no ho mbɔdzen de ɔbɛma ne Nyamesom etu kafo na wɔada suban pa edzi. Sɛ yeandɛn hen ho ankɔ Nyankopɔn ne nkyen na yeamma hen suban annyɛ subanpa a na yennkyir bɔn na yenndzi tsenenee ekyir a na yeantse Anohoba Mesia no no botae ase yie sɛ yeammfa adasamba hɔn ndzinoa amma hɔn de mbɛ ɔfata a na yeammfa hen nsem nyinara annhye Nyankopɔm ne nsa a na yeammfa adasamba hɔn ndzenoa amma hɔn a na yeannserɛ asɔrye (Durood) amma Nkɔmhyenyi no a ɔdze Nyankopɔn Ne nhyira brɛɛ nyimpa na ɔtwee nyimpa benn Nyankopɔn.

Sɛ yeannyɛ hen asɔr yie na sɛ yedwen de yebotum dze adasamba aba Islam frankaa ase na yɛahyɛ Anohoba Mesia no botae ma a ɔno ɔrennye yie, gyede yedze Sabr na Salaat gyinabew a otu kafo ansaana y'etum enya nkunymdze mapa no.

Huzoor n'apɔwɔbɔ no mu no nsemkyerewnyi bisaa no hia a ohia de wɔbesi asɔrdan wɔ New Zealand. Huzoor bua no de sesie ara kuw no mu mba no suar na mber bi reba a yebɛhia asɔrdan ahorow pii na dem mbɔdzen yi hia wɔ mbeambea pii do wɔ wiadze afanadze nyinara. Demara so na ɔwɔ de ankorankor biara n'asodzi hia no. Huzoor kaa de ɔye awerɛhow de yeannyi adwen na ahodado a nkyɛ ɔwɔ de yɛnya dze ye asɔr, anaa ye nye Nyankopɔn nya nkitahodzi. ɔnnkyeree na besia bi baa Huzoor hɔ na osui de Huzoor aka de ɔwɔ de yesi asɔrdan na yɛhyɛ no ma na yebɛye asɔr de mbɛ ɔfata na sɛ Huzoor nnyi hɔ a nyimpa ntaa mmba asɔr de mbɛ ɔfata. Huzoor kaa de obotum aba no dem osiande nyimpa pii fi ekyirekyir ba Fazl mosque osiande wɔpede wɔ nye no ye asɔr bɔ mu ɔkaa de iyi ye asem fofor.

Huzoor kaa de ɔye naaso ɔwɔ awerɛhyemu de hɔn a wotwa kwan fii ekyirekyir nye no beyɛɛ asɔr no bɔkɔ hɔn aborɔn mu asɔrdan mu akɔye asɔr demara, naaso hɔn a wɔ ben asɔrdan no ammba asɔr dze a, nna ɔye atseetsee yie a ɔwɔ de hom twe hom adwen gyina do yie. Demara obi so kyerewee fi Australiaman mu de ber a Huzoor fii hɔ no nyimpa dodow mmba asɔr de mbɛ na Huzoor wɔ hɔ no, Huzoor kaa de sɛ ɔye U.K anaa Australia anaa ɔman biara mu no ɔwɔde yehu de sɛ yebotum dze nsesa aba a gyede yeye hen asodze de mbɛ ɔfata, ɔno yerenntum mmfa nsesa mmba wiadze na yennhye Anohoba Mesia (ANN) no botae no ma ma ɔnnye yie.

Anohoba Mesia no kaa de ɔwɔ de yɛhyɛ asɔrdan ma ber nyinara nnye de ber bi ber bi gyede yetu henho ma Nyankopɔn koraa ansaana yeehu ɔsor nsenkyeredze wɔ hen abrabɔ mu na gyede yedzi Sabr na Salaat nhyehyɛɛ no do pɛpɛpɛ de mbɛ ɔfata na yedze henho ma Nyankopɔn ansaana yeehu Nyankopɔn Ne nsenkyeredze na N'enyimnyam. Na yengyina pintsinn wɔ Nyankopɔn ne kor ye mu ansaana yeehu Nyankopɔn No tum nye N'enyimnyamho nsenkyeredze. ɔno na ɔbɛma wɔadan adasamba hɔn akoma aba hen do na woehyira hen ndwuma so do na ama yeama adasamba ehu Nkɔmhyenyi ne bɔbew na no bo a ɔsom ama yeatwe hɔn aba ne frankaa no ase.

Huzoor bɔɔ nkae de asɔrye n'ekyir no ɔbeyɛ afunsie asɔr ama Dr. Bashirudeen Usama. Ofii mu wɔ ɔbrɛfew bosoom ne da a ɔtɔ do ebien. ɔgyee Ahmadiyya Kuw yi too mu wɔ afe 1955 mu na ɔka Ebibimanba a wodzii kan gyee Ahmadiyya too mu a nna wɔwɔ Amerika noho. Nna ɔye nyimpa a odzi

perper na etuhoakyenyi soronko na ɔye Salat wɔ no ber ano. Nna ɔye onyimnyamfo a ɔwɔ ɔdɔ soronko ma Khilafat. Ɔye obi a nna ɔbɔ mpaa pii na ɔwɔ atsenka nye ehumbɔbɔr na Ɔdomankoma. Onyaa akwanya kɔr Rabwah kehyaia Hadhrat Khalifatul Masih a ɔtɔ do ebien ɔnye ɔtɔ do ebiasa nyinara. Ohyiaa Hadhrat Khalifatul Masih mpen pii na nna ɔwɔ ɔdɔ a no mu ye dzen yie ma no. Huzoor so nna ɔnye no wɔ nkitahodzi soronko. Ɔnye ne yer nyinara kɔr Hajj akwantu no bi na ɔyɛ edwuma wɔ Cleveland man mu de Naib Sadr mfe eduonu (20) a etwa mu kɔr no. Onyaa nsunsuando pa kesenara wɔ Kuw a wɔfrɛ no Khidmat-e-Khalq do na ɔboaa enuanom a wɔwɔ Amereka a wofi Ebibiman mu. Wɔ afe 1950 mu no, ɔkyerɛww buukuu bi a nna ɔfa no Nkɔnhyenyi Krɔnkrɔn (NNN) noho. Nna ɔye datsernyi a wɔawe a wɔ nyimpa hɔn se ho edwumaye. Ne yer a ɔdze Fatimah Usama Sahiba so aye edwuma wɔ Cleveland de Sadr Lajna. Ogyae mba mbanyimfo ebien a hɔn so wɔnye Jama'at wɔ nkitahodzi a no mu dɔ ara yie.

Ketseankye Nyankopɔn ato owufo yi no gyanabew mu na Ɔama n'ebusua so nye Jama'at yi eenya nkitahodzipa.

- Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us